



# SINLAI 7 ROMTE 3:9-31

*Mi tengteng chinlouhna & Ginna Nasep*



**TANGVOM: ROMTE 3:24**

***Khrist Jesu a om tatna ziak in, hehpihna  
a a thawn a siamtansak in a om uhi.***



# SINLAI KHENNENNA

- I. Mi tengteng chinlouhna: **3:9-20**
- II. Pathian dikna puankhiakna: **3:21-26**
- III. Pathian hehpihna Kros in domsang: **3:27-31**

# **SINLAI 6 ETKIKNA: 2:17-3:8**

## **Thupi: Judate & Mosi Dan**

- Judate' kisaktheihna 1: **Dan nei**
- Judate' kisaktheihna 2: **Zeksum**
- Jentelte bangmah a mulou uh ahi.
- ☐ Jentelte & Judate a chingzou omlou!

## I. MI TENGTENG CHINLOUHNA: v.9-20

9. Ahihleh amau sang in I hoihzaw khol ua hia? Hoihzaw lou hial; Judate leh Grikte khelhna sikha a omvek in tuma in leng I ngohta vele;

- Hiai a Paul in “*amau*” a chihte hih *Jentelte* a genna ahi. “*I*” a chih *amah* leh *Judate* a genna ahi.
- A bullam ah le I genkhin ve ua le, a dikzaw himhim omlou; khelhna sikha a taang tuaktuak ihi ve ua...
- **Dotna:** Midang sang a dik kisa zaw I om hia?

## I. MI TENGTENG CHINLOUHNA: V.9-20

10. “Kuamah mi diktat himhim a omkei uh, khat leng a omkei uh;

11. Kuamah theisiam himhim a omkei uh, kuamah Pathian zong himhim a omkei uh. 12. A hilou lam ah a pial khinta ua, bangmah a phatuam lou in a om khinta ua, kuamah thilhoih hih himhim a omkei uh, khat leng a omkei uh.

- v.10 apan Paul in OT quotation tampi a hon bawlsuk ahi. Huai ten mihingte kisiamtan zou ding ihihlauh khiakdan; a kkep a kkep a khial lumlet ihihdan a genchian hi.
- A ban a mihing chinlouna/khelhna a hon gensuk dingte'n khentuam neilou in *mihing* tengteng uap hi.
- Hiai ah mihing khelhna leh chitlouna **KHEP 3** in khentheih hi -

## KHEP 1NA: PIANKEN A MIKHIAL (V.10-12)



EBCC MUMBAI  
EVANGELICAL BAPTIST CONVENTION CHURCH

Hiai sung ah mihing chitlouna 6 bang taklat in om hi: (Sam 14:1)

- 1. Diktat himhim omlou:** “*Diktatna*” (righteousness) a kigen chiang in Pathian kiang tungthei ding a diktansakna tang genna ahi (*piangthak*). Mihingte huai dinmun tungzou ding om mawngmawng lou, khat lel leng omlou (*atheist*).
- 2. Theisiam himhim omlou:** Pathian om ahihdan leh a thu theihiamna nei omlou; mihing in banlou. Himahleh hiai khalam mitmialna pen Pathian kilakna (*Rom 1*) mihing in a ngeingaih utlounh ziak lel ahi. Pathian itna theisiam khat lel leng omlou hi.

## **KHEP 1NA: PIANKEN A MIKHIAL (V.10-12)**

**3. Pathian zong himhim omlou:** Pathian poimoh I hihdan phawklou; Pathian dik khat om chih thudik nelhsiah a, mahni deihdan chiat a pathian kibawl – sahkhua tuamtuamte – thudik apan taimang na.

**4. A hilou lam a pialmang:** Lampi dik khat, Pathian dik khat a omlai a, a hilou lam a pai teitei genna ahi. A laimal zat pen galphual a sepaih a lawmte tailouhna lam a tai; taisia genna ahi.



## KHEP 1NA: PIANKEN A MIKHIAL (V.10-12)

**5. A phatuamlou a om:** Hiai a Paul in a gennop ahihle Pathian leh mihinpihte a dia phattuamna/manna bei chih ahi. Hunhaksa diak ah gingtute *phattuam* ding ahi.

**6. Thilhoih hih himhim omlou:** Sam 14:2,3 (*Thilhoih hih a om u hiam...*) Mihing te thilhoih hihte Pathian a din a pontak na diam?

**Pianken a mikhial**, exception omlou; khat lel leng a hoih omlou. No! Not even one!

## **KHEP 2NA: KAMPAU A MIKHIAL (V.13-14)**

**13.** “A gawl uh han kihong ahi a; a lei un zekhemna thu a gen uhi.” “A kamsung uah gulgu a om hi.” **14.** “A kam uh hamse lohna leh thukha in a dim hi.”

- Pianken a mikhial ihinna a taklat zoh in, v.13-14 sungah kampau mahmah a leng khial lumlet ihihdan a hon genchiang suk nawn ahi. Kampau a mikhial ihihdan **Chi 4** in I ensuk nawn ding:

## **KHEP 2NA: KAMPAU A MIKHIAL (V.13-14)**

### **1. A gawl uh han kihong ahi: Sam 5:9b**

- **Misi bangziak a hoihtak a kivui ahia? 2 reasons**
- **I kampau ten I sunglam kihhuai phoukhia ahi.**

**2. A lei uah khemna a om: Mihing muantaklouna a gen ahi. Zuau gen in, a lungtang taktak uh a sel uhi. Jakob laikhak bangin lei lauhhuai dan ana genchiang mahmah hi. Inkuan leh khang natan suse thei thil ahi. Greek laimal kizang “zuau gen nna a nei” genna ahi hial hi.**

## **KHEP 2NA: KAMPAU A MIKHIAL (V.13-14)**

### **3. A kamsung uah gulgu a om: Sam 140:3**

- **Mihing in I kampau khelhna toh mi bahsak-liamsak thei ihihdan a gen hi. (...hilele...)**

### **4. A kam uh hamsia leh thukha a dim: Sam 10:7**

- **Hamsia: Mikhat siatna ding deih, a langtang a kampau se theitawp a genkhia.**

- **Thukha: Melma hou a, a langtang a kihou siatna.**

☐ **Matt. 12:34b, 35;** pianken a mikhial nana chu...

## **KHEP 3NA: GAMTAT A MIKHIAL (V.15-18)**

**15.** “A khe uh sisan suah ding in a kinsuan uhi;

**16.** A lampi uah manthatna leh gimthuakna a om a;

**17.** Khamuanna lampi a theikei ua,

**18.** A mit uah Pathian lauhna a omkei,” chih gelh bang in.

- Hiai a tung a tang 4 sungah Paul in mihingte gamtat-khohei mahmah a leng mikhial ihihdan ana taklang hi.
- A argument pansan in gamtat a khelhna **Chi 4** | ensuk ding:-



## **KHEP 3NA: GAMTAT A MIKHIAL (V.15-18)**

### **1. Khial ding a khe kinsuan:**

*“sisan suah ding in”* Ut leng nai-utkei leng gamla.

### **2. A lampi ua manthatna leh gimthuakna om:**

Khelh kilawp a khe kinsuan khempeuh in a lampi tot hiai mah ahi. Theihngei na nei hia? Ngaihtuah mah dih. A omna lamlam a mi sutuah. -

## **KHEP 3NA: GAMTAT A MIKHIAL (V.15-18)**

**3. Khamuanna lampi theilou uh:** Lungtang a khamuanna lam gen hi zawlou in, lemna lampi zong theilou genna ahi. Pt.2 toh kinai.

**4. A mit ua Pathian lauhna omlou:** Sam 36:1

- I mit-hah apan I mihinna kitheibaih mahmah hi.
- Bang thilte I en a?
- **Pathian lauhna:** A thupina theisiam a, a deihdan zuih khaklauh ding lauhna. Ei bang ichi a?

## I. MI TENGTENG CHINLOUHNA: (V.9-20)

**19.** Dan in bangpeuh a gen, dan thuthu a omte kiang ah a gen ahi chih I thei uhi; kam chiteng a hum theih na ding in leh khovel a mi tengteng Pathian vaihawmna a a om theihna ding un. **20.** Huchi in “Dan thilhihte ziak in mi kuamah a mitmuh in siamtang in a omkei ding uhi; dan tawn in khelhna theihna a hong om hi” chi a kigelh bang in.

- Judate leh Jentelte, kuamah a suakta zou omlou ahihdan a genna ahi. Judate'n a suan mahmah uh Dan zuilou ua, Jentelte'n a lungtang ua kigelh Dan zuilou uhi. Huaiziak in Pathian vaihawmna maituah tuaktuak ding ua, excuse bawl theilou ding in kamhum ahi ding uhi.



## I. MI TENGTENG CHINLOUHNA: (V.9-20)

- ☐ **v.9-20** sung ah mihing chinlouna **14** bang kichiamteh hi. Huaite Khep 3 in I khen: pianken a khelhna, kampau a khelhna, leh gamtat a khelhna. Hiai te a awk khalou mihing khatkia om: Jesu Khrist ahi.
- ☐ Pianken a khial mihingte' lungtang hoihlou sa ahi. Huai lungtang a dimlette kampau leh gamtat a hong kilang khia ahi lel hi.
- ☐ **Dan poimohna:** *Limlang* ahi; khelhna lak, hondam theilou. (**Robert H. Mounce**)
- ☐ **“chih gelh ahi”** (2 vei): OT quotation genna. *Greek in continuity & permanence* ensak; a muanhuaina.

## II. PATHIAN DIKNA PHUANKHIAKNA (V.21-26)

**21.** Himahleh tun bel dan leh zawlneite na theihsak Pathian dikna dan tellou a hihlat in a omta hi; **22.** huaituh Jesu Khrist gintak ziak a, a gingtate tengteng a dia Pathian diktatna ahi. Lamdanna himhim a omkei:

- “*Himahleh*” – “*but now*”: Hun gen hilou a, line of argument kikheng genna ahi.
- **Bang ahia dan leh zawlneite ana theihsak?**
  - Dan leh zawlneite (*Law and Prophets*): OT genna
  - Pathian in Thukhun Thak (*New Covenant*) hong om ding Mosi leh zawlneite kiang ah ana gen khol khin. (*concept*)

## II. PATHIAN DIKNA PHUANKHIAKNA (V.21-26)

- Hiai ten ana muhkhoh uh **Diktansakna** pen Dan tellou in Jesu Khrist ah hihlat in hong om hi.
- Dan zuih ziak a Diktansakna hilou, Jesu Khrist gintak ziak a Diktansakna: *imputation of righteousness*.
- “**a gingtate tengteng**” / “**lamdanna himhim a omkei**”: a gingta khempeuh khentuam omlou.



## II. PATHIAN DIKNA PHUANKHIAKNA (V.21-26)

**23.** Mi tengteng in thil a hihkhelh ziak ua Pathian thupina a tan zohlouh nung un, **24.** Khrist Jesu a om tatna ziak in hehpihna a a thawn a siamtansak in a om uhi.

- Mi tengteng khial vek, Pathian thupina tangzou ding omlou. Mohpaih a om ding ihih vek lai in...
- **Jesu Khrist a tatna ziak in:** redemption (*slave market*)
- **Tatna man:** Hehpihna tungtawn a ginna in; a thawn (*not by works*)
- **A gah:** Siamtansak a om: Justified (*30 vei vel*). Court room verdict bang a Pathian mai a siamtang a sim a om (*impute*)

## II. PATHIAN DIKNA PHUANKHIAKNA (V.21-26)

**25.** Amah tuh a sisan ziak a thuphatawina hi in, ginna a muh ding in Pathian in a lui kheta hi. Huai tuh Pathian dikna latsakna ding ahi, aman a dohtheihna ziak a nidanglai khelhnate a Paikan tak ziak in; **26.** Huan amah ngei a dik a, chih leh Jesu a ginna nei mi siam a tangsak chih chetna ding in.

- **Jesu Khrist' sisan tuh thuphatawina ahi:** a sisan a sawpsiang l hita. Thuphatawina pomtak ahi.
- **Luikhia:** Hiai tuh a guk-a-gal a hih hilou in, khovel muh ding a mualtung a Khros a khai kang a om ahi. (*No excuse*). Hiai in Pathian' dikna langsak (*fair*).



## II. PATHIAN DIKNA PHUANKHIAKNA (V.21-26)

**25.** Amah tuh a sisan ziak a thuphatawina hi in, ginna a muh ding in Pathian in a lui kheta hi. Huai tuh Pathian dikna latsakna ding ahi, aman a dohtheihna ziak a nidanglai khelhnate a Paikan tak ziak in; **26.** Huan amah ngei a dik a, chih leh Jesu a ginna nei mi siam a tangsak chih chetna ding in.

- **Nidanglai khelhnate paikan:** Hiai a “paikan” chih kammal pen in *indifference* genlou in *overlooking* gen hi. A hun-hun a mikhial gawtlou in, hun a pia chihna ahi.
- **Hiaite bang chetna ding in:** Pathian’ dikna (*Justice*). Love and Justice converged at the Cross.

### III. PATHIAN HEHPIHNA KHROS IN DOMSANG (V.27-31)

**27.** Na ki-otsakna uh koia om ahia leh? Pawsiah in a omta hi. Bangchi dan in ahia leh? Thilhihna dan in hia? Hilou hial, ginna dan in a hizaw hi.

- Dan nei leh zuite kahi uh chi ana ki-otsakna uh koia omta ahia? – **Pawsiah in a omta!**
- Tu in bel thilhih leh Dan zuihna ah hotdamna a kinga nawnkei. **Bang a kinga?**
- Ginna ah a kinga zawta. Dan tuh Jesu Khrist tungtawn a zohkim ahita.

### III. PATHIAN HEHPIHNA KHROS IN DOMSANG (V.27-31)

**28.** Huchi in dan thilhihte ziak hilou in, ginna in mi siamtansak in a om chi in I sep uhi. **29.** Pathian, Judate Pathian kia hia? Jentelte Pathian leng ahi sam ka hia? Hi e, Jentelte Pathian leng ahi.

- **“Huchi in”**: I gensa tengteng ziak in, siamtansakna pen thilhih (*works*) ziak hilou in, ginna (*faith*) tungtawn a tan ahi.
- **“I sep uhi”**: Greek kammal: *conclusion* bawl chihna ahi.



### III. PATHIAN HEHPIHNA KHROS IN DOMSANG (V.27-31)

- Khovel ah pathian chih minpu million a sim om mahleh Pathian hing leh diktak **KHAT** kia om hi.
- Huai Pathian khat om pen Judate'n amau a tuam in koih ua, Jentelte muhniamna in zang uhi.
- Pathian bel a thunei pumpi hi a, amah gingta leh gingtalou te a ding in leng **PATHIAN** a hivek hi.



### III. PATHIAN HEHPIHNA KHROS IN DOMSANG (V.27-31)

**30.** Pathian khat kia a hihziak in; aman zeksumte a ginna ziak un, zeksumlouhte a ginna ziak un siam a tangsak ding hi. **31.** Huchi ahihlel dan bangmahlou in I bawl ua hia? Bawllou hial. Dan tuh I hihkip zaw uhi.

- Pathian khat kia ahihman in a standard kikheng lou hi: siamtansakna ding in ginna amah ahi (*khentuam omlou*).
- Dan lou a hotdamna om ahihlel Dan pen a zatna om nawnlou chihna himai lou maw? Hi zenzen lou e (*emphasis*) -



### III. PATHIAN HEHPIHNA KHROS IN DOMSANG (V.27-31)

- **Dan tuh I hihkip zaw:** Bangchi dan in?
  - Dan in I khelhna hon theisak a, mihing a man pe zou ding I omkei. Jesu Khrist in a man a hon piaksak na ah Dan a zahna langsak hi.

# THUKHITNA

- *Mihing a piangkha peuhmah, Juda hi in Jentel hitaleh, kuamah diktat a omkei. Mikhial-chinglou ngen ihi. Khat mah leng a ching a omkei.*
- *I khelhna hon hilh ding in Juda ten Dan gelhthoh a nei ua, Jentel ten a lungtang ua gelh Dan a nei uh.*
- *Hiai Dante'n a ngiat uh siamtansakna ding man (price) pen mihing piakzoh vual ahihlouh lai in, Jesu Khrist in hon piaksak hi. Hiai Jesu Khrist pen Ginna toh I san Chiang in diktat a sim ihi.*
- *Dan in khial ihihdan hon theisak a, Jesu Khrist hon kawkmuh hi.*



Huai **JESU KHRIST** na neita hia?

